



SEAFOOD EXPO 2023

2023ko APIRILAREN 25-27

Informazio gehiagorako:

Jon Zabaleta

943 000 299

jzabaleta@camaragipuzkoa.com

Tokia: Fira Bartzelona, Gran Via Venue

Maiztasuna: Urtean behin

Bisitariaren profila: Itsasoko produktuen indus-
triako profesionalak

Izena emateko epea: 2022ko urriaren 17

Azokaren webgunea: www.seafoodexpo.com/global/

Eusko Jaurlaritzako Ekonomiaren Garapen, Jasangarritasun eta Ingurumen Saila, Elikaduraren Euskal Industria kanpoan sustatzen laguntzeko jardueren barruan, **SEAFOOD EXPO GLOBAL 2023** azokan Euskadiko elikagaien enpresen baterako parte hartzea antolatu du HAZIren bitartez.

25 urtez Bruselan antolatu eta egin ondoren, 2022ko edizioan azoka Bartzelonara eraman zuten, eta berriro egingo da **2023ko apirilaren 25etik 27ra, Fira Bartzelonan.**



AZOKAREN IZAERA



Seafood Expo - Global Europako arrantza- eta eraldaketa-industriaren topagunea da. Arraina merkaturatzen duten sektoreei dago zuzenduta, eta mundu-mailan arrantza-azoka garrantzitsuena da. Deialdia urtero egiten da, eta arrantzaren munduko arlo guztietako profesionalentzat baino ez da. Azoka hori Seafood Processing Europe (SPE) azokarekin batera egiten da; azken hori prozesatze-, hozte-, izozte- eta logistika-ekipamenduei buruzkoa da.

Honako sektore hauek ordezkatzeko ditu: arrain freskoa, izoztua, kontserbak eta prestatutako/prozesatutako arraina, handizkariak, inportatzaileak, esportatzaileak, eraldatzaileak, fabrikatzaileak, banatzaileak, akuikultura, hozkailuak, industria laguntzailea (hotza, enbalajeak, plastikoak, etab.) eta makineria.

Azokara joaten diren bisitariak mundu-mailako arrantza-sektoreko profesionalak, eraldatzaileak, elikadura-industriakoak eta zenbait banaketa-kanalako profesionalak (inportatzaileak/esportatzaileak, banaketa handia eta HORE.CA. kanaleko espezialistak) dira.

Seafood Expo Global azoka mundu-mailako topagune garrantzitsuena da arrainaren eta itsaskiaren sektoreko profesionalentzat, eta 155 herrialde baino gehiagotako bisitariak joaten dira. Ez da azoka nazional bat, baizik eta urteko eta mundu-mailako ekitaldi garrantzitsuena arrainaren eta itsaskiaren sektoreko profesionalentzat.

Seafood Expo Global Bartzelonaren 2022ko edizioan 76 herrialdeko 1.550 enpresak hartu zuten parte erakusketari gisa.

Erakusketak 39.847 m²-ko azalera garbia hartu du, lau pabiloitan eta Bartzelonako Gran Vía de Fira barrutiko galerian banatuta.

Mundu-mailako itsas produktuen 26.630 eroslek eta hornitzailek hartu dute parte ekitaldian.

Txikizkako salmentako, ostalaritzako eta banaketako bolumen handiko erosleek hartu dute parte ekitaldiko untsezko erosleen programan, horien artean hauek: Aldi (Austria, Erresuma Batua, AEB, Irlanda, Alemania) Bidfood (Lituania, Espainia, Txekiar Errepublika, Italia, Erresuma Batua, Polonia, Hong Kong, Arabiar Emirerri Batuak, Australia, Herbehereak, Eslovakia), Carrefour (Frantzia, Belgika, Errumania), Costco Wholesale (Erresuma Batua), Delhaize (Belgika), Food Lovers Market (Hegoafrika), IKEA (Suedia), Hellofresh (Alemania, Danimarka, Erresuma Batua), Kesko (Finlandia), Lidl (Espainia, Erresuma Batua), Makro (Espainia, Portugal, Txekiar Errepublika), Mercadona (Espainia), Metro (Turkia, Frantzia, Alemania, Bulgaria, Kroazia, Eslovakia), Sodexo (Erresuma Batua), Subway (Erresuma Batua), Sysco (Frantzia, Irlanda, Erresuma Batua), The Cheesecake Factory (AEB) eta Whole Foods Market (AEB).

SEAFOOD EXPO GLOBAL 2022ko DATUAK

Erakusketa-azalera: 39.847 m²

Bisitariak: 26.630 bisitari 155 herrialdekoak

Erakusketariak: 1.550 erakusketari, 76 herrialdekoak

PARTE HARTZEKO BALDINTZAK



PARTE HARTZEKO BALDINTZAK

Egoitza soziala Euskal Autonomia Erkidegoan duten eta Ekonomiaren Garapen, Jasangarritasun eta Ingurumen Saileko Elikagaien **Industrien Erregistroan inskribatuta dauden enpresa ekoizleei soilik** zuzenduta dago ekitaldi horietan parte hartzea.

Azokaren aurretik

- Enpresa erakusketariak ordezkari bat bidaltzeko konpromisoa hartuko du eta kuota ordainduko du. Beraz, **ezinezkoa izango da ekintza horretan baja ematea Euskadiko pabiloian sartu dela jakinarazi ondoren.**
- Ezinbesteko kasuetan, eta horietan baino ez, Eusko Jaurlaritzak eskubidea izango du enpresa erakusketariak aurkeztutako arrazoiak aztertu eta, behin-behinean, ordaindutako zenbatekoaren zati bat itzultzeko.
- Enpresek nahitaez egon behar dute muntaketa-eguneari, adierazten zaien orduan, salgaiak jasotzeko eta standetako apainketa-lanak amaitzeko, inaugurazioaren aurretik eta beharrezko aurrerapenarekin.

Azoka egunetan zehar

- Enpresa bakoitzak bere stand zaindu beharko du azokako egun guztietan eta bere irekiera-ordutegi osoan.
- Azoka amaitzean, produktu guztiak behar bezala jaso beharko dituzte eta standeko elementuak jasotako egoera berean entregatu.

Azokaren ondoren

- Enpresa bakoitzak **ebaluazio-inkesta** bete beharko du.

PARTE HARTZEKO EREDUA ETA KOSTUA

PARTE HARTZEKO EREDUA

2023ko edizioan, Eusko Jaurlaritzak parte hartuko du pabiloi batean, non parte hartu nahi duten sektoreko enpresak egongo diren. Stand indibidual bat izango dute, 12 metro karratu ingurukoa (standa 9 - 12 m² ingurukoa).

Eusko Jaurlaritzaren parte-hartzea interesa duten enpresen kopuruaren mende egongo da. Ez bada betetzen enpresen gutxieneko kopuru hori, Eusko Jaurlaritzaren parte hartzea bertan behera geldituko da.

PARTE HARTZEKO KOSTUA

Ekonomiaren Garapen, Jasangarritasun eta Ingurumen Sailak EAEko lehen sektoreko produktuak eraldatu eta merkaturatzen dituzten enpresen parte-hartzea sustatuko du.

• **KUOTA = 4.200 € + BEZ %21 = 5.082 €**

Izena emateko kuota ordainketa eta faktura bakarrean egingo da.



EUSKO JAURLARITZAREKIN PARTE HARTZEA



Izena emateko epea: 2022ko urriaren 17a

Parte hartu nahi baduzu, eta, kontuan hartuta plaza-kopurua mugatua dela, gomendatzen dizugu izena emateko inprimakia betetzea eta ordainagiria bidaltzea, zure enpresak zerga eta Gizarte Segurantza betebeharrak ordaindu dituela egiaztatzen duten agiriekin batera, ahalik eta azkarren helbide honetara:

jzabaleta@camaragipuzkoa.com

Enpresa parte-hartzaileak hautatzeko dokumentu oso guztien harrera-ordena errespetatuko da. Zure eskaera aintzat hartzeko eta oso gisa sailkatzeko, posta elektronikoko bidez dokumentu hauek bidali beharko dituzu, adierazitako helbideetara:

IZENA EMATEKO FORMULARIOA BETE

Fitxa horretatik bertatik transkribatuko dira datuak azokaren katalogo ofizialerako, standaren errotulurako eta sustapenerako lantzen diren gainerako elementuetarako.

Behin enpresak baieztatzen badu azokara joango dela, ordaindutako zenbatekoa ez da itzuliko azoka egiten bada. Azoka ez bada egiten, berriz, HAZIk dagokion zenbatekoa itzuliko du.

IZENA EMATEKO KUOTAREN ORDAINAGIRIA

Ordainketa banku transferentzia bidez egingo da.

Kontu zenbakia: ES49 3035-0179-61-1791069900 Laboral Kutxa, HAZI Fundazioaren izenean.

Kontzeptua: "Enpresaren izena + Seafood Expo Global 2023"

- **Gainera, enpresak zerga-betebeharrak eta Gizarte Segurantzarekikoak egunean dituela egiaztatzen duten agiriak aurkeztu beharko dira.**

IZENA EMATEKO EPEA: 2022ko urriaren 17a

HAZIk Finantza Departamentuak dagokion zenbatekoaren faktura igorriko dizue, parte hartzea baieztatu eta gero.

EUSKO JAURLARITZAREKIN PARTE HARTZEA



Seafood Expo
GLOBAL

GARRANTZITZUA:

Eskatutako dokumentuak bidaltzeak **EZ DU ESAN NAHI** enpresak Eusko Jaurlaritzaren pabiloian parte hartuko duenik, Sailak izen-ematea onartu duela jakinaraziko du.

EUSKADIREN PABILOIAN SARTU DELA JAKINARAZI ONDOREN ENPRESA BATEK UKO EGITEN BADIO PARTE HARTZEARI, ORDAINDUTAKO ZENBATEKOAREN % 100 GALDUKO DU.

Soilik ezinbesteko kasuetan baino ez dira aztertuko enpresak aurkeztutako arrazoiak, eta, hala badagokio, ordaindutako zenbatekoaren ehuneko bat itzuliko da.

Soilik kasu hauetan aurreikusiko da enpresek ordaindutako zenbatekoak itzultzea:

- Enpresek eskatutako espazioak azokaren antolakuntzak Eusko Jaurlaritzari esleitutako espazioa gainditzen badu, hautatuak izan ez diren enpresek izena eman aurreko kuota jasotzeko eskubidea izango dute.
- Eusko Jaurlaritzaren parte-hartzea bertan behera geratzen bada ezinbesteko kasuagatik edo parte hartzaileen kopurua nahikoa ez izateagatik, enpresei ordaindu duten zenbatekoaren % 100 itzuliko zaie.

ESKAINITAKO ZERBITZUAK



Pabiloia mantentzea

Eusko Jaurlaritza arduratuko da pabiloia mantentzeaz eta beharrezko zerbitzuak kontratatzeaz (ura, elektrizitatea, garbiketa...)

Potentzia-mugak daude stand bakoitzeko, eta, erakusketari batek horiek gainditzen baditu, kostua enpresa erakusketariak ordainduko beharko du.

Hotz kamerak

Eusko Jaurlaritzak koordinatuko du hotz-ganberen kontratazioa. Erakusketari bakoitzak finantzatuko du zerbitzu hori.

Merkantziaren garraioa

Erakutsi beharreko salgaiak batera bidaltzeko aukera eskainiko da, izendatutako garraiolari ofizialak adierazten duen puntutik.

Zerbitzu hori norbanakoak kontratatu beharko du, eta garraio-enpresak zuzenean fakturatuko dio zerbitzua erabiltzen duen erakusketari bakoitzari.

Azokaren katalogo ofizialean sartzea

Eusko Jaurlaritzak beharrezko izapideak egingo ditu parte hartzen duten enpresa guztiak behar bezala ager daitezen azokaren katalogo ofizialean, Euskadiren pabiloiaren barruan. Horretarako, izena emateko orrian jasotako informazioa erabiliko du.

Bidaia eta Ostatua

Jarduera honetan **ez dira sartzen** lekualdatze- eta ostatu-gastuak.

Hala ere, Saila enpresen esanetara dago bidaia eta ostatua koordinatzen laguntzeko, baldin eta enpresa erakusketariak eskatzen badu.

